

Damir Dautović, diplomirani pravnik - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Damir Dautović, diplomirani pravnik
Naziv Teme	Značaj međunarodnih konvencija iz oblasti međunarodnog privatnog prava za Bosnu i Hercegovinu u kontekstu eurointegracionog procesa
Rezime/Abstract	<p>Završni magistarski rad kandidata Dautović Damira, diplomiranog pravnika, pod naslovom „Značaj međunarodnih konvencija iz oblasti međunarodnog privatnog prava za Bosnu i Hercegovinu u kontekstu eurointegracionog procesa“ se sastoji od sažetka na bosanskom i engleskom jeziku, sadržaja, prijedloga de lege ferenda, zaključka i popisa literature. Sastoji se od 97 stranica A4 formata od čega se 86 stranica odnose na glavni tekst, a preostalih 6 stranica na popis korištene literature. Prilikom izrade završnog master rada korišten je prored 1,5, font „Times New Roman“ i veličina slova 12. Odliteraturejekorišteno 80 bibliografskih jedinicima (knjige, priručnici, članci, studije, pravniki, presude Evropskog suda pravde i internetizvori). U uvodnom dijelu rada navedeni su razlozi i motivi koji su opredijelili naučno istraživanje u skladu sa predloženom temom. Precizno formulisanim pitanjima određen je predmet istraživanja, koji proizilazi iz samog problema istraživanja, a zatim definisana i generalna (temeljna) hipoteza, kao najznačajniji dio ukupnog procesa istraživanja, zajedno sa pomoćnim (razrađujućim) hipotezama. Kao neizostavni dio istraživačkog rada, određeni su i ciljevi istraživanja, te su prikazane korištene naučne metode, ocjena dosadašnjih istraživanja i očekivani doprinos istraživanja nauci. Istraživanje je usmjereno na analizu značaja međunarodnih konvencija iz oblasti međunarodnog privatnog prava za Bosni i Hercegovinu na putu ka EU. Ciljevi predmetnog istraživanja mogu se svesti na sljedeće: analizirati i prezentirati odnos međunarodnog privatnog prava EU i BiH, a imajući u vidu obaveze koje je BiH preuzele potpisivanjem Sporazuma o stabilizaciji i pridruživanju sa EU u kontekstu harmonizacije ove pravne oblasti u BiH sa <i>acquis communautaire</i>; analizirati unutrašnju i vanjsku legislativnu nadležnost EU u oblasti međunarodnog privatnog prava i njen odnos prema trećim državama, u koje spada i BiH; analizirati značaj Uredbe broj: 664/2009 i 662/2009 i drugih pravnih instrumenata EU za BiH u funkciji ispitivanja mogućnosti za zaključivanje bilateralnih i multilateralnih sporazuma sa državama članicama EU; istražiti značaj i ulogu Haške konferencije u procesu unifikacije međunarodnog privatnog prava, a u kontekstu mogućnosti i opravdanosti pristupanja BiH određenim konvencijama čije su članice EU ili njene države članice. Nakon uvodnog dijela u kome je prikazana metodologija izrade master rada, u drugom dijelu završnog master rada, pod nazivom "Zakonodavna nadležnost EU u oblasti međunarodnog privatnog prava", analizirana je nadležnost EU za uređenje oblasti međunarodnog privatnog prava od samog nastanka EU pa do Revizionih reformskih ugovora (Ugovor iz Amsterdama, Nice i Lisabona). Detaljno je obrađena unutrašnja zakonodavna nadležnost EU i vanjska nadležnost koja se odnosi na mogućnost EU da putem međunarodnih ugovora zaključenih sa trećim državama, odnosno državam nečlanicama i međunarodnim organizacijama uređuje pravne odnose iz oblasti međunarodnog privatnog prava, te je obrađena odluka Evropskog suda pravde u predmetu ERTA. Imajući u vidu da su određene oblasti međunarodnog privatnog prava uređene pravom EU odnosno uredbama, analiziran je njihov odnos prema postojećim međunarodnim konvencijama. U trećem dijeluzavršnog master rada, pod nazivom "Hijerarhija pravnih izvora u oblasti MPP u BiH" izvršena je analiza ustavno - pravnog osnova za uređenje ove pravne grane u BiH i njenim entitetima te je ukazano na relevantne odredbe i strukturu Zakona o rješavanju sukoba zakona sa propisima drugih zemalja u određenim odnosima. U ovom dijelu rada obrađena je hijerarhija izvora ove pravne grane, što je od izuzetnog značaja jer se u praksi događa da isti privatnopravni odnos sa inostranim elementom bude reguliran i unutrašnjim i međunarodnim izvorima koji imaju različitu sadržinu ili je istovremeno reguliran i bilateralnim i multilateralnim konvencijama ili djelima multilateralnim konvencijama. Također, analizirani su i međunarodni ugovori i njihov značaj za BiH kao izvora međunarodnog privatnog prava. U četvrtom dijelu rada pod nazivom „Uloga i značaj Haške konferencije u procesu unifikacije međunarodnog privatnog prava“, kandidat se osvrnuo na svrhu osnivanja i djelovanja Haške konferencije i članstvo EU i BiH u ovoj međuvladinoj organizaciji. Navedene su Haške konvencije čija je stranka - potpisnica Bosna i Hercegovina, kao i konvencije kojima bi BiH trebala pristupiti, a što je za BiH kao državu nečlanicu EU od ključnog značaja za normiranje privatnopravnih odnosa sa inostranim elementom, a posebno sa EU odnosno njenim državama članicama. U petom dijelu master rada pod nazivom „Mogućnosti za BiH u domenu stupanja u ugovorne odnose sa državama članicama EU“, ukazano je na bilateralne i multilateralne sporazume koji su na snazi u BiH, kao i na sporazume koje je BiH preuzeila notifikacijom o sukcesiji. Obradene su i Uredbe broj 664/2009 i 662/2009 te je ukazano na njih značaj za BiH. Šesti dio master rada pod nazivom "Prijedlozi de lege ferenda" sadrži prijedoge za reformu ove pravne grane u BiH, u skladu sa aktualnim načelima međunarodnog privatnog prava EU, a u sedmom dijelu utvrđeni su zaključci na temelju cijelokupnog istraživanja. Nakon detaljne analize završnog master rada, može se izvesti zaključak da kandidat uspješno koristi naučne metode, kako sa aspekta uspostavljanja teorijskog koncepta istraživanja, tako i u metodološkoj razradi i praktičnoj primjeni. Na osnovu prethodno izloženih zapažanja, konstatacija i zaključaka, može se dati ocjena da predmetni završni master rad, po načinu i metodama istraživanja, po metodologiji i stilu pisanja, te na osnovu načina prezentacije i interpretacije rezultata istraživanja, predstavlja samostalan naučni rad kandidata.</p>
Datum	20.09.2018
Predsjednik	Dr sc. Anita Petrović, docent, Uža naučna oblast „Građansko-pravna“, Pravni fakultet Univerziteta u Tuzli
Mentor	Dr sc. Jasmina Alihodžić, vanredni profesor, Uža naučna oblast „Građansko-pravna“, Pravni fakultet Univerziteta u Tuzli
Član komisije	Dr sc. Boris Krešić, vanredni profesor, Uža naučna oblast „Građansko-pravna“, Pravni fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	dana 20.09.2018. godine sa početkom u 14,00 sati na Pravnom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.